

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinski načelnik



Bosnia and Herzegovina
Federation of Bosnia and Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општински начелник

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09), člana 25. Statuta Općine Centar Sarajevo - Prečišćeni tekst („Službene novine Kantona Sarajevo“, br. 23/04), Odluke o izvršavanju Budžeta Općine Centar Sarajevo za 2023.godinu („Službene novine Kantona Sarajevo“, br. 2/23 i 21/23) i Pravilnika o dodjeli novčanog podsticaja za kupovinu stočne hrane poljoprivrednim proizvođačima na području Općine Centar Sarajevo (broj:16-20-157/23)od 13.10.2023.godine, Općinski načelnik Općine Centar Sarajevo, objavljuje:

JAVNI POZIV

Za dodjelu novčanih podsticaja za kupovinu stočne hrane

I PREDMET JAVNOG POZIVA

Predmet Javnog poziva je prikupljanje zahtjeva i finansijska podrška poljoprivrednim proizvođačima koji se bave uzgojem stoke na području Općine Centar Sarajevo.

II PRAVO UČEŠĆA

Pravo na učešće u Javnom pozivu imaju svi poljoprivredni proizvođači sa područja Općine Centar Sarajevo koji se bave uzgojem stoke kao i peradarstvom i pčelarstvom.

Javni poziv obuhvata dodjelu novčanih sredstava za kupovinu stočne hrane po kategorijama kako slijedi:

R / b	Animalna proizvodnja	Novčani iznos podsticaja (fizička lica)	Novčani iznos podsticaja (obrti)	Najmanje norme za podsticaj
1.	Uzgoj krupne stoke	100 KM	120 KM	min. 2 grla
2.	Uzgoj sitna stoke	16 KM	18 KM	min. 30 grla
3.	Farma koka nosilja	100 koka nosilja-100KM	100 koka nosilja-120 KM	min. 100 koka
4.	Uzgoj i držanje pčelinjih društava	13 KM	15 KM	min. 50 pč.društava

Podnosioc zahtjeva prilikom predaje zahtjeva može ostvariti novčani podsticaj **za sve kategorije**, prateći gore navedenom minimalan broj stoke koji mora imati, ukoliko preda

potvrde o provedenim veterinarskim mjerama (prilog V) za te kategorije za koje želi ostvariti podsticaj.

III USLOVI ZA DODJELU STOČNE HRANE

Uslovi koje kandidat treba da ispunjava:

- 1) Da podnosioc zahtjeva, fizičko lice ima stalno prebivalište i drži stoku na području Općine Centar Sarajevo;
- 2) Da je vlasnik obrta registrovan za obavljanje poljoprivredne djelatnosti sa sjedištem na području Općine Centar i drži stoku na području Općine Centar;
- 3) Da je podnosioc zahtjeva upisan u Registar poljoprivrednih gazdinstava i Registar klijenata, kao i Registar pčelara (samo za pčelare) u nadležnoj Službi Općine Centar Sarajevo i da je izvršio ažuriranje podataka u tekućoj godini;
- 4) Da podnosioc zahtjeva ima potvrdu o zdravstvenom nadzoru i stanju životinja i provedenim veterinarskim mjerama utvrđenim propisima iz oblasti veterinarsko-zdravstvene zaštite, izdate od ovlaštene veterinarske organizacije na području Kantona Sarajevo (obrazac V iz tekuće godine);
- 5) Da je podnosioc zahtjeva dostavio izvještaj o namjenskom utrošku sredstava za isti podsticaj predhodnih godina;
- 6) Da podnosioc zahtjeva ima otvoren i aktivan račun u banci.
- 7) Kandidati koji su ostvarili pravo na novčani podsticaj za kupovinu stočne hrane u tekućoj godini ne mogu aplicirati na ovaj Javni poziv.

IV SADRŽAJ POTREBNE DOKUMENTACIJE

Potrebna dokumentacija:

- 1) Popunjen i potpisan prijavni obrazac – zahtjev (potpisan od podnosioca zahtjeva);
- 2) Prijavu o mjestu stalnog prebivališta ne starija od 6 mjeseci (CIPS za fizička lica);
- 3) Potvrdu o zdravstvenom nadzoru i stanju životinja i provedenim veterinarskim mjerama utvrđenim propisima iz oblasti veterinarsko-zdravstvene zaštite, izdate od ovlaštene veterinarske organizacije na području Kantona Sarajevo (obrazac V iz tekuće godine);
- 4) Potvrda/obavijest o otvorenom i aktivnom računu u banci (original ne stariji od mjesec dana).

Prijavni obrazac možete preuzeti na sljedećem linku:

<http://www.centar.ba/stranica/javni-pozivi-euprava>

V NAČIN I ROK ZA PODNOŠENJE ZAHTJEVA

Rok za prijavu na Javni poziv je 7 dana od dana objavljivanja u dnevnom listu i web stranici Općine Centar.

Popunjeni zahtjevi sa potrebnom dokumentacijom se podnose u zatvorenoj koverti na protokol Općine Centar Sarajevo ili preporučeno putem Pošte na adresu:

<p>Općina Centar Sarajevo Mis Irbina 1 71000 Sarajevo</p> <p>Sa naznakom „Javni poziv za dodjelu novčanih podsticaja za kupovinu stočne hrane“</p> <p>„NE OTVARAJ“</p>

Na poleđini koverta obavezno se navodi : ime i prezime/naziv firme podnosioca zahtjeva, adresa/sjedište i kontakt telefon.

Neblagovremeni i nepotpuni zahtjevi /prijave neće biti razmatrane.

Za ulaganje eventualnih prigovora rok je 8 (osam) dana od objavljivanja Odluke o dodjeli novčanih podsticaja za kupovinu stočne hrane na web stranici i oglasnoj ploči Općine Centar Sarajevo.

VI OSTALE ODREDBE

Općina Centar Sarajevo ne snosi nikakve troškove u postupku prikupljanja i podnošenja prijave na Javni poziv. Općina Centar Sarajevo ne snosi odgovornost prema učesnicima Javnog poziva u pogledu aktivnosti koje su preuzeli u cilju apliciranja.

Prispjela dokumentacija se ne vraća podnosiocu.

Sve dodatne informacije u vezi Javnog poziva mogu se dobiti na tel. 033/562-512.